

Elimine Sanksyon Kriminèl pou Enfraksyon ki liye ak Mariwana

An novanm 2022, pandan n ap konprann pi byen domaj aplikasyon rasis danjere "gè kont dwòg" la lakòz kominote Nwa ak Po Fonse yo, elektè Maryland yo te apwouve yon referandòm ki vize legalizasyon itilizasyon mariwana pou granmoun.

Toutfwa, selon lwa aktyèl la, tankou posesyon ak entansyon pou distribiye ak posesyon plis pase kantite itilizasyon sivil la (2.5 ons) kapab toujou abouti ak kondanasyon pou deli minè.

Avèk sanksyon kriminèl sa yo ki toujou an vigè, mariwana legalize sèlman an pati. Aplikasyon sible lwa sa yo pral kontinye afekte moun Nwa ak Po Fonse epi y ap sibi konsekans kolateral ki akonpaye entrikasyon nan sistèm jiridik kriminèl la ak entèraksyon inital ak lapolis.

Nou mande an ijans pou Asanble Jeneral la adopte pwojè lwa ki t ap pèmèt akizasyon sa yo pase tankou enfraksyon sivil olye de yon deli minè, ki t ap sanksyone ak kontravansyon ak amann sivil olye de ale nan prizon.

Egzekisyon "Gè kon Dwòg" Te Gen Efè Katastwofik

Etid yo montre regilyèman moun tout ras itilize ak posede mariwana nan menm nivo. Poutan moun Nwa nan Maryland twa fwa pi siseptib pou jwenn arestasyon pase moun blan pou posesyon mariwana. Dinamik rasis sa son reyalite menmsi konte a an majorite blan oswa an majorite nwa.


Ant 2018-2019, 96 pousan tout akizasyon posesyon mariwana te fèt kont moun Nwa nan vil Baltimore, menmsi moun Nwa te sèlman reprezante anviwon 60 pousan popilasyon vil la.

Nan menm ane sa yo nan konte Baltimore, 80 pousan akizasyon posesyon mariwana te fèt kont moun Nwa, menmsi moun Nwa te sèlman reprezante anviwon 30 pousan popilasyon an la.

Nan konte Prince George, chif yo terib menm jan. Menmsi moun Nwa te reprezante sèlman 65 pousan popilasyon an, 2903 moun te akize de posesyon mariwana e 90 pousan te Nwa.¹



Lapolis akize Nwa Marylandè yo yon fason disproporsyonèl pou posesyon mariwana (2018-2019)



Selon yon rapò Komite Politik Santans Kriminèl nan Eta Maryland nan lane 2022 sou tandans konsènan kondanasyon nan Tribinal nan Sikwi Maryland pou enfraksyon ki lye ak mariwana, ant 2017-2021, 45 pousan moun ki te akize ak yon enfraksyon grav ki lye ak mariwana pa te gen kazye jidisyè epi 49 pousan nan sa ki te akize ak enfraksyon minè ki lye ak mariwana yo pa te gen kazye jidisyè. Poutan moun Nwa te jwen santans prizon pi souvan ak pou plis tan ni pou enfraksyon grav ni pou enfraksyon minè ki lye ak mariwana.²

Yon kondanasyon pou enfraksyon minè limite aksè yon moun a travay, lojman estab ak tout yon seri benefis piblik. Dosye kondanasyon pou enfraksyon minè limite moun tou pou rete nan kèk fwaye, ak ekskli moun ki gen fèb revni nan plan pèman sèvis piblik ak bon alimantè. Avèk yon to kondanasyon ki pi wo, konsekans kolateral kondanasyon pou enfraksyon minè plis afekte moun Nwa ak Po fonsè. San travay ak salè ak lojman estab, moun yo souvan oblije chèche lavi a pati aktivite kriminèl.

Anplis de sa, gran majorite moun ki aktyèlman ap vann mariwana se vandè k ap chèche lavi yo ye k ap vann pou siviv. Yo pa fè benefis konsiderab e yo p ap gen aksè ak yon lisans ki ap pèmèt yo distribiye mariwana legalman. **Li enjis pou kontinye fè yo sibi kèlkeswa sanksyon an pandan abitan Maryland yo, ki rich e ki an majorite blan kapab genyen menm konpòtman nan tout legalite epi fè pwofi de sa.**

Legalizasyon Pa Pral Sifi Pou Redui Inegalite Rasyal nan Maryland

Dekriminalizasyon pa te janm sifi. Epi jan nou te wè sa nan plizyè eta, legalize posesyon san elimine lòt enfraksyon ki lye ak mariwana p ap sifi non plis. To arestasyon inegal ant Nwa ak blan egziste nan tout eta yo kèlkeswa mariwana te legalize, dekriminalize oswa rete ilegal.

Li enkyetan pou nou wè nan kèk eta ki legalize mariwana menm si to arestasyon an jeneral diminye, inegalite rasyal rete menm oswa kèk fwa vin pi mal.³

Nan Virginia, malgre legalizasyon mariwana pou amizman an 2021, granmoun ki Nwa toujou reprezante prèske 60 pousan ka ki lye ak mariwana menm si yo reprezante sèlman 20 pousan popilasyon eta a.⁴

Nan Washington, D.C., malgre yo legalize mariwana prèske uit lane deja, prèske tout moun ki te arete sou baz akizasyon ki lye ak mariwana an 2020 te Nwa menmsi yo reprezante sèlman 45 pousan popilasyon vil la.⁵

Nou dwe repare domaj "gè kont dwòg" danjere a lakòz ak anpeche kriminalizasyon moun Nwa ak Po Fonsè nan yon kad kote mariwana legal. Pou fè sa nou dwe konble tout fay ki egziste yo ki pèmèt arestasyon, kondanasyon ak anprizònman Inegal moun Nwa ak Po fonsè nan Maryland.

SOUS:

¹ 2020 Statistics and Data Request for Possession of Marijuana over 10 Grams by Delegate Nick Mosby

² https://msccsp.org/Files/Sentencing_Snapshot/Issue7.pdf

³ American Civil Liberties Union. (2020). A Tale of Two Countries Racially Targeted Arrests in the Era of Marijuana Reform. American Civil Liberties Union. Retrieved November 30, 2022, from <https://www.aclu.org/report/tale-two-countries-racially-targeted-arrests-era-marijuana-reform>

⁴ Elwood, K., & Harden, J. D. (2022, October 16). After Virginia legalized pot, majority of defendants are still black. The Washington Post. Retrieved November 30, 2022, from <https://www.washingtonpost.com/dc-md-va/2022/10/16/virginia-marijuana-enforcement-disparities/>

⁵ <https://www.washingtonpost.com/dc-md-va/2022/10/16/virginia-marijuana-enforcement-disparities/>